



# Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 3

Yangia anidakangma :



Tir Yimym



tir\_yimym



tir yimym

TAPAK 7

**Kejriwal-i AAP indang students wing 'ASAP' amenoktsüogo**

**Russia aser Ukraine ceasefire jembishinü tang tenzüksü: Trump**

VOL. XXII ISSUE NO. 216 (ADOK 216)

DIMAPUR

RASEMNÜ (WEDNESDAY)

MONUPII (MAY) 21, 2025

₹ 5.00

## Dimapur, Niuland aser Chümoukedima nung ILP mapa tenzüksü

**Dimapur, May 20, 2025 (TYO):** Nagaland sorkari Dimapur, Niuland aser Chümoukedima district tem nung Inner Line Permit (ILP) mapa tenzüksü.

Mongulbarnü non-Naga NGOs aser civil society organizations den senden ka amenba sülen Dimapur Deputy Commissioner Tinojongshi Chang-i iba osang metetdaksü.

Sorkari official notification ka agütsüba sülen district administration-i ILP maparen tenzüksü ta DC Tinojongshi-i ashi.

ILP atema cut off dates ana-1963 aser November 1979 amshitsü. 1963 matongdang arurtem nem smart cards agütsütsü. Külen, 1963 aser 1979 tsüngda arur nem Permanent Residence Certificates (PRC) agütsütsü ta pai ashi.

Dimapur, Chümoukedima aser Niuland district tem nung ILP tenzüksü atema terata kecha mali kechiyong Nagaland sorkari 2018, 2019 aser 2023 nung ILP maparen tenzüksü sangdongtem agütsüogo saka mapa kuma meinyaktet, ta Dimapur DC-isa metetdaksü.

"Covid aser onük kar ajanga ILP mapa metenzükteti liasü. Onok non-Naga communities jaoka district asem nung ILP mapa tenzüksüba osang jangjatsüogo" ta Tinojongshi Chang-isa ashi.

Nagaland sorkari department balala nungi ketdangsürtem dena ILP enforcement directorate ka amenoktsü telemetba agiogo ta paisha ashi.

Directorate amenokba sülen district administration-ia ILP cell ka tentetsü teimla lir ta Dimapur DC-isa ashi.

## ANSAM-i Indo-Naga yimjung maparen pusemer

**Imphal, May 20, 2025 (Agencies):** All Naga Students' Association, Manipur (ANSAM)-i Indo-Naga yimjung maparen pusema nungittsü bangjemshiogo

Konsakhul Village nung tanabuba Presidential Council Meeting alidang parnoki iba lemtet akangshitepogo. Iba senden ya Liangmai Naga Katimai Ruangdi, Manipur (LNKR-M) ajanga host asü.

ANSAM-i August 3, 2015 Framework Agreement pusemer aser final accord nung Naga national flag aser constitution dena lemtet ka agitsü akhanger ta metetdaksüogo.

ANSAM-isa India aser

Myanmar nung Naga political prisoners ajak pusema nungiter aser tatemzükba kecha meli parnok chioktsü akhanger ta metetdaksüogo.

Parnokisa India sorkar dang Southeast Asia nung mapang talangtiba agiba yimtenren ken o angatetteptsü ayongzükogo.

ANSAM-isa Free Movement Regime (FMR) agienba aser Naga lushi nung atsü yangluba aitsüogo.

Ibala inyakyim ajanga kin ka aser kinungertem tsüngda telemsa adokdaksür. Onoki item mapa anema lungkak aitiba sentongtem agitsü ta ANSAM-isa metetdaksü.

## Sorkar mapa inyakerkem dang ration cards indang metetdaksür

**Dimapur, May 20, 2025 (TYO):** Nagaland nung sorkar mapa inyakerkemi eligibility criteria alema Priority Households (PHH) aser Antyodaya Anna Yojana (AAY) ration cards yanglua alirtemi May 31, 2025 tashi nung ration cards meyipa agütsütsü tetuyuba agütsüogo.

Contractual employees/fixed payees, casual labourers, daily wagers, anganwadi/ ASHA employees, Home Guards, community health volunteers aser Grade IV staff dak alaka küm nung Rs. 2.5 lakhs tem anguba Government Servants-i District Civil Supply Officers ket nung

ration cards meyipa agütsütsü ta Food & Civil Supplies Nagaland Director Chubawati Chang, NCS-i sangdong ka nung ashi.

Iba tetuyuba ya National Food Security Act 2013 ajanga agütsüba tashi nung ajemdaker Nagaland Food & Security Rules 2016 lateta aliba kübok agütsür aser tashi mangartem ozüng tapet agi merenshitsü ta paisha ashi.

Küm nung Rs. 2.5 lakhs aser tema angurtemi General Household (GHH) ration card yanglutsü akok ta Food & Civil Supplies Nagaland Director-isa metetdaksüogo.

## CM Dr. Rio-i essential commodities peria ayutsü tuyur



**Dimapur, May 20, 2025 (TYO):** Nagaland Chief Minister aser Nagaland State Disaster Management Authority (NSDMA) chairman Dr. Neiphiu Rio-i Mongulbarnü sorkar department ajak dang tzüngluruwa matongdang district ajak nung nungdakattem bendena ayutsü tetuyuba agütsüogo.

Nagaland civil secretariat nung monsoon preparedness senden ka ayonga amendang CM Dr. Rio yimsüng mesüra jila kar nung essential commodities peria maliba osang lira bangdakpur dangi abentsüla ta metetdaksü.

Paisha department tem dang consumer rights kümzuka ayutsü atema fair price shops nung

tenük yoktsü tetuyuba agütsü.

CM Dr. Rio-i Chief secretary dang deputy commissioner ajak den video conference ka ajanga senden amentsü aser district shia nung essential commodities aser monsoon preparedness osang metetpelatsü tetuyuba agütsü.

Administration aser police department-i tzüngluruwa mongpu nung mapang shia jilatem aser national highways nung traffic tiptema senzütsüsa mapa inyaksü tetuyuba agütsü.

Iba senden nung Roads & Bridges Minister G Kaito Aye-i disaster management department dang emergency response atema senotsü lezmüka yutsütsü mepishi. Iba senji tzüngluruwa mapang department-i amshitsü ta

pai ashi.

NHIDCL aser PWD (Roads and Bridges) department-ia lenmang yanglushitsü nungdakba pocket-wise areas jangjatsü Minister Aye-isa ashi.

Paisha mechanical department dang tzüngluruwa atema machinery aliba osang tejanga agütsütsü ashi.

"NHIDCL-i contractor tem dang lenmang junga yanglutsü tetuyuba agütsütsüla" ta PHE minister Jacob Zhimomi-ia ashi.

Senden nung NSDMA joint chief executive officer Johnny Ruangmei-i 'monsoon 2025 forecasting for Nagaland' ta ser PowerPoint presentation ka sayuba nung tzünglu aruba memedemtsü aser iba ajanga metsü prokba mongpu nung kongshitsü ta ashi.

Iba senden nungsa PWD (R&B) aser NHIDCL ajanga 'Monsoon preparedness and resilient of road infrastructure sector' indang Power point presentation ka sayu. Külen, HG, CD&SDRF/ NDRF ajanga Preparedness of Emergency response agencies lemsatet.

## Manipur journalist temi Army anema lungkak ait



**Imphal, May 20, 2025 (Agencies):** Manipur nung Mongulbarnü journalist telok kati Imphal yimdong nung lungkak aitiba sentong ka agi aser Raj Bhavan nung oa tembang.

Journalist tem ya electronic aser print media houses nungi liasü. Parnoki "Book the culprits," "Stop silencing the press," "We condemn harassment of the Media," aser "Hands off media" tezülubatam amer lungkak ait.

Iba sentong ya All Manipur Working Journalists' Union (AMWJU) aser Editors' Guild Manipur (EGM) külemi yaritepa ayongzük.

Imphal nungi kilometer 25 shi pilar aliba Gwaltebi checkpoint nung tim masüba atalokba sülen

iba lungkak aitiba sentong ayonga agi.

Iba tesem nung Indian Army nungi 4th Mahar Regiment ajanga media team ka sot. Parnok ya Ukhrul nung Governor sentong ka nung adentsü atema aoerba liasü. Iba media team nung journalists aser Department of Information and Public Relations (DIPR) ketdangsürtem dena nisung 20 liasü.

Sepaitemi parnok dak gari nung "Manipur State Transport" ta zülua aliba mimbanger ang odaksütsü ta noktang. Iba gari ya DIPR ajanga anepaluba liasü.

Iba tatalokba ya osangbenertem amokmerenba aser press freedom noktanga ka lir ta journalists-i lungkak ait.

Tanü journalist temi Governor secretary den ajuruteper aser memorandum ka agütsüogo.

Parnokisa iba tatalokba nung shilem agiba sepaitem ozüng tapet agi merenshitsü takhangba agütsü. Tarutsü nung ibala tensa majurutsü atema DIPR aser security forces tsüngda amalitep tajungba alitsüla ta parnokisa ashi.

AMWJU aser EGM-i lungkak aitiba tamaitüsü sayua May 22, 2025 nü state ajungalen Pen-Down Strike alitsü metetdaksüogo.

Parnokisa telangzüba tajung ka mangu tashi government aser security (state & central) dak sendakba osangtem mabentsü telemetba agiogo.



## Mokokchung nung NCD Special Screening Drive agi



*District Court Mokokchung nung May 20, 2025 nü Special Screening Drive agidang tangokba noksa ka yangi angur.*

**Dimapur, Monupii/May 20 (TYO):** World Hypertension Day amungba nung shilem ka ama Department of Health & Family Welfare, Mokokchung ajanga May 20, 2025 nü Deputy Commissioner office, District court, Food and Civil Supplies aser District Agriculture Office,

Mokokchung nung NCD Special Screening Drive ayongzüka liasü.

Iba mapang Blood pressure aser Blood sugar amala angati tendanga liasü. Kasa mapang Non Communicable Disease (NCD) indang leaflets tem lema liasü.

Iba maparen ya Dr. Limanaro DPO (UIP& RCH) lenisüba kübok NCD staff aser IEC personnel temi inyaka liasü.

Department-i sorkar offices aser nüburtemi amshiba tesemtem awajema special screening drive ya June 16, 2025 tashi alitsü.

## Tanü monsoon preparedness senden amentsü

**Dimapur, Monupii/May 20 (TYO):** Chief Secretary and Chairman SEC, NSDMA mendenpuba sür monsoon preparedness senden ka May 21, 2025 nikongdang 2:00 ako nungi tenzüka Chief Secretary's Conference Hall, Nagaland Civil Secretariat. Kohima nung amentsü.

Iba senden nung tsünglanglen agüja aliba department tem adentsü metetdaksüogo:

1. The Commissioner, Nagaland.
2. The Home Commissioner, Nagaland.
3. The Director General of Police, Nagaland.
4. The Commissioner & Secretary, Works & Housing, Nagaland.
5. The Commissioner & Secretary, Health & Family Welfare, Nagaland.
6. The Commissioner & Secretary, Food & Civil

- Supplies, Nagaland.
7. The Chief Engineer, NH (NPWD), Nagaland.
8. The Chief Engineer, R&B (NPWD), Nagaland.

Iba senden nung Deputy Commissioners aser Chairman DDMA's ajunga den district head of departments tem Video Conferencing ajanga adentsü. Iba atema link ya DDMA's e-mail dangi yokogo ta sangdong ka ajanga ashi.

## Achumbemo Kikon-i Chümoukedima & Dimapur semdangtsü metetdaksür

**Dimapur, Monupii/May 20 (TYO):** Committee on Environment & Climate Change, Nagaland Legislative Assembly ajanga May 23, 2025 nü Chümoukedima aser Dimapur semdangtsü, ta MLA & Chairperson, Committee on

environment & Climate Change, Achumbemo Kikon-i sangdong ka ajanga metetdaksü.

Anungji iba mapang Committee on Environment & Climate Change züngsem ajunga adentsü ayongzüker, ta sangdong ajanga ashi.

## P&R Nagaland ajanga transfer aser posting indang metetdaksür

**Dimapur, Monupii/May 20 (TYO):** Nübur tenzüksü asoshi Nagaland Angh-i IAS, NCS aser danga ketdangsurtem transfer aser posting/retention order ka adoktsüogo.

Dr. G. Hukugha Sema, IRS, Commissioner & Secretary, IT&C ya Commissioner & Secretary, Land Resources ama transfer yoker; Zarenthung Ezung, IAS, Secretary, Cooperation ya Secretary, PHED yoker; Orenthung Lotha, NCS, Commissioner & Secretary, PHED ya Commissioner & Secretary, Cooperation aser Commissioner & Secretary, IPR vice ama inyaksü yoker.

Bhagyashree Bhimraoji Banayat, IAS ya Commissioner and Secretary, IPR nungi anisüngzüker agütsür; Arenla Jamir, NCS, Secretary, Land Resources ya promotion nung Commissioner & Secretary, IT&C ama yoker; Robert Longchari, NCS, Secretary, Transport ya promotion nung Commissioner & Secretary, Transport ama inyaksü soiter; Yongchingkumla, NCS, Addl. Secy, Social Welfare ya promotion nung Secretary, Social Welfare ama soita ayur; S. Tainiu Khiamngan, NCS, Addl. Secy, H&FW ya promotion nung Secretary, H&FW ama soita ayur; Sentiwapang Aier, NCS, Additional Secretary, Transport and Chief Minister's Office ajanga indang additional charge abentsü; Renabomo Odyuo, NCS, Joint Secretary H&FW ya promotion nung Addl. Secretary, H&FW ama inyaksü; Vikhweno Chale, NCS, Joint Secretary, School Education ya promotion nung Addl. Secretary, School Education ama inyaksü soiter.

Shashank Pratap Singh, IAS, Principal Director, School Education and Director, Minority Affairs ya Director, Minority Affairs nungi anisüngzüker agütsür; Rohit Singh, IAS, DC, Tseminyu ya Director, Minority Affairs ama transfer yoker; Thsuvisie Phoji, NCS, Joint Secretary, P&AR ya Joint Secretary, Horticulture transfer yoker; Chubatemen, NCS, Joint Secretary, L&E SD&E (designate) ya DC, Shamator inyaksü; T. L. Kiusumong Tikhir, NCS, Joint Secretary, Tribal Affairs ya Joint Secretary, Industries & Commerce transfer yoker; Keyiranding Hegui, NCS, Joint Secretary, Land Revenue ya Joint Secretary, NRE ama transfer yoker; Phuleshe K. Yephthomi, NCS, Deputy Commissioner, Shamator (designate) ya Joint Secretary, L&E SD&E transfer yoker.

Japheth Woeh, NCS, ADC, Zunheboto ya promotion nung DC, Tseminyu inyaksü transfer yoker; Vekhoyi Chakhesang, NCS, Dy, Secy, F&CS ya promotion

nung Joint Secretary, F&CS inyaksü soiter; C. Khanyang Imlong, NCS, PD DRDA ya Deputy Secretary, P&AR ama transfer yoker; M. S. Thangpong, NCS, ADC, Satakha ya ADC, Aboi inyaksü transfer yoker; T. Moa Lemtor, NCS, Dy. Secy. IT&C ya ADC, Zunheboto ama transfer yoker.

Chumlammo Humtsoe, NCS, ADC, Mokokchung ya ADC, Satakha ama transfer yoker; Mhomo Tungoe, NCS, Jt. Secy, Governor's Secttya deputation tenure tembanger Deputy Secretary, Land Revenue ama transfer yoker; T. Lemlila Sangtam, NCS, Deputy Secy, Tourism ajanga Astt. State Commissioner, State Commissioner of Disabilities indang additional charge abentsü; Zapuno Sophie, NCS, Deputy Secretary, G&M ya Assistant State Commissioner den State Commissioner of Disabilities bena aliba Administrator, KMC inyaksü yoker; Atsunga Walling, NCS, ADC Akuluto ya ADC, Mokokchung transfer yoker.

Kikato K Chishi, NCS, ADC, Aboi (designate) ya Deputy Secretary, AH&VS ama soita ayur; Kelevituo Nisa, NCS, Asstt. Commr, Commissioner's Office ya promotion nung ADC, Commissioner's Office ama soita ayur; Thejakrienuo Nisa, NCS, Under Secretary, W&H ya promotion nung ADC, Phek ama transfer yoker; Tiayanger Jamir NCS, SDO (C) Mangkolemba promotion nung ADC, Akuluto transfer yoker; Kemciyile, NCS, Under Secretary, School Education ya Under Secretary, Border Affairs ama transfer yoker.

Sukhalu Chishi, NCS, SDO (C) Niuland (designate) ya SDO(C), Zunheboto inyaksü soiter; Rohbi Sangtam NCS, SDO (C), Zunheboto ya SDO (C), Mangkolemba inyaksü transfer yoker; Kihomong Yimchunger, NCS, EAC Tuensang ya promotion nung SDO (C), Tuensang inyaksü soiter; Avonuo Kire, NCS, EAC, Nsong ya promotion nung SDO (C), Niuland ama yoker; Ihoilung Chuilo, NCS, EAC, Tening ajanga EAC, Nsong additional charge abentsü; Imtinungla Longkumer, NCS, EAC, Phokungri den EAC, Phor (designate) indang additional charge bena aliba ya EAC, Satakha inyaksü soiter; Khriethozo, NCS, EAC Chiephobozou ya EAC, Kohima ama transfer yoker; Moasunep K Jingru, NCS, EAC Kohima ya EAC, Chiephobozou inyaksü transfer yoker aser Joshua N. Tikhir, NCS, EAC, Satakha (designate) ya EAC, Phokungri ama soiter aser EAC, Phor additional charge abentsü.

### GOVERNMENT OF NAGALAND DIRECTORATE OF TECHNICAL EDUCATION NAGALAND: KOHIMA

Dt. Kohima, the th May, '2025.

### NOTIFICATION

NO.DTE/ESTT-2/NEET/01/2024-25/ This is to notify the NEET (UG)-2025 appeared candidates intending to avail Nagaland State Reserved seats for MBBS/BDS/BVSC&AH/ BAMS/BHMS/BASLP/BUMS/BPT that registration forms are available at the Directorate of Technical Education, Kohima (Below New Secretariat Complex) on payment of Rs. 500/- only w.e.f. 21stMay, 2025 during office working hours. The form may also be downloaded from the official website of the Department <https://dte.nagaland.gov.in> in which case the fee should be submitted in cash along with the form printed in white paper (A4 size) BY HAND only

The last date of submission of filled form along with NEET score card and all necessary documents to this office on or before 21st June, 2025 after which no applications will be entertained.

Note: Candidates are informed to read all necessary instructions given in the application form carefully before the form is submitted and to submit the score card once the NEET (UG)-2025 result is declared.

(ER. VIPULHOU LHOUNGU)  
Director.

### GOVERNMENT OF NAGALAND DIRECTORATE OF EMPLOYMENT, SKILL DEVELOPMENT & ENTREPRENEURSHIP NAGALAND, KOHIMA NOTIFICATION

NO.DET-7/20/2001 (Vol-VII):/479 It is hereby notified that Trade Test Exam under SCVET will be held in the month of July/August, 2025. In this regard, Trainees (repeater) who are ready to appear the Exam are hereby informed to fill up the examination form on or before the 6th of June 2025 (Friday) in their respective Govt. Industrial Training Institute (Govt. ITI).

Sd/-  
SAVIO VISA  
Director.





## TIR YIMYIM YIMOBILEM (EDITORIAL)

DIMAPUR WEDNESDAY, MAY (MONUPII) 21, 2025

### Lungkak aitba sobaliba anendi

- P Tiamongba Aier

**K**üm ishika tejakdang Manipur aser Assam nung langka atalokli lungkak aitli, langka atalokli dokantem shibangli, langka atalokli lenmang mokdangli ta asüba sobaliba benshiba atema asenoki parnok luja aser tiluja jembiba bilema arur. Tanü Nagaland tensa reprangdangra Manipur aser Assam nung dang nungi lungkak aitba yimya tu kanga junga angazüka benshir ama angur. Iba ya kechiba ya shisadang nung Nagaland nung opposition maliba sorkar akümba sülen nungi nübortem aser telok balalai lungkak aitba yimya ya talitabong benshia aruba ajiteter. Tesüiba indang mejembili saka tawa Nagaland nung sorkar dang mepelaba atema lungkak aitba sentong tulu ana ayonga agiogo. Kaji Combined Technical Association of Nagaland (CTAN) aser Nagaland NET Qualified Forum (NNQF) ajanga anir Directorate of Higher Education kima nung lungkak aitba lir. Nagaland Cabinet-i Department of Higher Education kübok sorkar college tem nung assistant professor aser librarian 147 regularize asüba lemtet meyipa agiang ta parnoki lungkak ait aser iba ya movement tulu ka kümadoker tatem nung state sorkari iba lemtet meyipa agitsüsa aküm. Tanabuba nung Urban Local Bodies (ULBs) nung District Chamber of Commerce and Industry (DCCI) nungi teshimtet nübotem shimoktsüla ta takhangba agüja Confederation of Nagaland Chamber of Commerce and Industry (CNCCI)-i May 19, 2025 nü district 9 nung shishilembabaren anener lungkak aita liasü. Tatem nung state sorkari shishilembartemi akhangba onüktem taruba Cabinet senden nung benoka jembir lemtet tajung agitsü ta nangzükba sülen ang lungkak aitba sentong anenogo. Iba ya kechiba ta süra Nagaland sorkar nung tashitait Opposition maliba ajanga lir. Tesüiba tatalokbatemji yutsür tawa lungkak aitba sentong ana ajanga sorkar lemtettem meyipa agidaktsüba ya state sorkar atema maaksü aser parnoki meshisadangi inyaksaba tali jangjatsür. Ashiko, Nagaland nung tashitait Opposition ka ali asübo state sorkari ibala masüba lemtettem ya magila mesüra agitsüsa mapangjia majurula kar. Ashir dang ashi, lungkak aitba ajanga dang sorkar len shitak nung jajatsü mesüra inyakyim shitak inyaka aotsü ta asüba sobaliba tentetba yabo kangasa majung aser ibala tensa majurutsüsa sorkaria Opposition maliji ta masü saka kanga junga shisadanga, nübortem taginüba atongtsüsa ketdangsübaren mapa inyaka aotsüla. Aji ta mesüra Nagaland sorkar ya tangar asoshi menüdong ka akümstsü ana nung lir. Külen, Nagaland Legislative Assembly züngsem 60 rongnung tashitemetertem-a lirkodang ajak nung hai-hai ta dang mesüi masüba nungbo nunga ta-a tasü itta noktaksü tim. Asen oboula nung ochishiba, tasü aitba, shisa akaba aser sobaliba tajung benshia aruba asenoki tetshir aser jembir, süra asenokia parnok amaji libalirotsü merangtsüla aser tashitemetertem aliba state ka ama lungkak aitba yabo sobaliba ka ama tenteta moudaktsütsü merangtepdi.

## OLEMSABANG

### Kaket zülur aser ocet züluri zülumen lirumedemtsü merangtsüla

~ L . Kika Pongener.

(Yashi adok nungi...)

Anungji ocet zülur aser kaket zülur ajaki iba nungji anidaka zülutsüba sernung, ojang kar-kar nungpo liromemedemi züluba angudang kangasa sasaa bilemer. Hau-niii....Arok Osep nung zülua aliba zülumen aser Ao ken kaket aser Ao laishiba nung zülua aliba ama zülutsü merangyongjia ashiko, ajakpo shitak mezüluteti alitsü akok. Ajisuaka, asenok ajaki akokba tashi Arok Osep adoka aliba zülumen nungji anidaka lirumedema zülutsü merangtsüla. Asen oshi nung zülumen lirumedemtsü atema Arok Osep tejangja adoka kar sernung, iba nungji manidaki tezülur shiai pei-i kechi shitaka ta bilemer iba amajisa zülura, asenok tejakleni aoba kin ka memesuk asütsü. Anungji asen oshi osangkaket nung osang zülur aser ocet zülur ajaki akokba tashi Arok Osep nung zülua aliba zülumen aser ano Ao ken kaket aser Ao laishiba nung zülua aliba ama lirumedema zülutsü ajungshir.

Arok Osep (Ao Dictionary) aser zülumen tejangja adoka yur, osang zülur, ocet zülur aser kaket zülur ajaki pei pei mulongba amai dang zülura, ibajagi lanur kaketshirtem ratadaktsütsü. Asen Ao oshi nung adokba osangkaket ya asen Ao kini dang azünger masü, asen Ao oshi züngteter tangar kintem-ia züngdar. Osangkaket nung ocet zülur shiai zülumen meputepi pei-i shitaka ta bilemba ama dang balala zülura tazüngertema ratadaktsütsü. Aji oda, nibo ajak shitak zülur ta masü, ashiko, kar-kar nungpo meshitaki zülua alitsü akok....Saka akokba tashi Arok Osep aser Ao laishiba aser Ao ken kaket nung zülua aliba den medemdanga lirumedema zülutsü meranger. Anungji ni shinubaji asenok ajaki pei-i bilembaji dang shitak ta mebilemi, Arok Osep koba adoka lir, aser ano Ao ken kaket aser Ao laishiba nung zülua aliba zülumen den liromedema zülutsü asenok ajaki merangdi ta ajongshir. Kechiyong jokorla, School, College aser University tashi nung iba nungji amendaker kaketshirtem zülua/zünga odor, saka ano kaket ken o zülü-banglo nungpo tezülur shiai lirumemedemi balala zülura ibajagi kaketshirtem ratadaktsütsü. Anungji asen oshi nung adokba osangkaket nung ocet zülur ajaki zülumen ya liromedema zülutsü merangtsüla.

Jokorla, tang yabo aseni asen sasa iba ya shitaka ta bilemba tangar danga yamai zülüang ta sayuteptsüba mapang masüa ta bilemer. Jokorla, tang yapo iba mapangji suiadokogo. Tanü tashi nung Ao Senden Literature Board (ASLB)-i koba adoka lir, ibaji School, College aser University nung Course küma agizüker agia odor aser mapang shia 'Arangtet tatidang' agiba-a osangkaket nung angur. Jokorla, tang yabo ASLB-i koba adoka lir ibaji Aor ajaki mulonga agizüker, iba nungji anidaka zülumen ajak lirumedema zülutsüba mapang lir. Oshibo ka dang sernung jembiba, azüngba, züluba/zülumen lirumemedem balala sura, ajibo tashishitsü aketba oshi ka asütsü. Aji oda, tip külen School, College aser University nung kaketshirtem balaka azünger/zülur, ano tip külen osangkaket/kaket ken o nungpo tezülur ajaki pei pei mulongba amai dang balala zülur ta sura....Alima nubur matsüngdanga tobur kanga majung asütsü aser tangar kin shirnoki asen oshi züngteter parnoka kanga sungmangdaktsütsü....!!! Anungji jokorla akokba tashi aseni shitaka ta bilemba nung masü, saka Arok osep, Ao laishiba aser Ao ken kaket nung koma zülua lir iba zülumen denji medemdanga lirumedema zülutsü asenok ajaki merangdi ta ocet zülur ajak dang ajungshir. Iba ocet ya aitsütepba olen nung masü saka ajungshitepba olen nung iba ocet azünger ajaki angateta azüngtsü mepeshir.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir



## Arvind Kejriwal-i AAP indang students wing 'ASAP' amenoktsüogo



AAP national convener aser taoba mapang Delhi chief minister Arvind Kejriwal dem party lenir Avadh Ojha aser Manish Sisodia nunger party indang students wing Association of Students For Alternative Politics (ASAP) amenoktsüba sentong nung tangokba noksa nung angur.

**New Delhi, Monupii/May 20 (Agencies):** Aam Aadmi Party (AAP) tekolakba Arvind Kejriwal-i Mongolbarnü par party indang students wing Association of Students For Alternative Politics (ASAP) amenoktsüogo.

ASAP amenokba sentong ya Constitution Club of India, New Delhi nung agi, koba linük ajunga nungi college aser higher educational institution tem nung kaketshirtem den sendakteptsü aser yimden yimsüsüba nung temelenshi atema parnok ajungmesotsü nükjidong nung tenzükogo.

Taoba mapang AAP indang youth wing Chhatra Yuva Sangharsh Samiti ya default students wing liasü aser iba

party ya Delhi University election nunga toktepogo. ASAP aser CYSS naprongla külemi inyaksangshitsü. Party tenteter küm 12 tashi nung students wing balaka medenteti aruogo.

"Linük nung tang healthcare, unemployment, food security, infrastructure agi anüngba amala ken o tem adoker lir. Iba ya yimden yimsüsüba meshidakba ajanga lir, koba dang asenoki mainstream politics ta ajar. Iba ya linük nung tebilemtsü ajak tera lir. Nisung aikati ni yimden yimsüsüba dak kecha sendaka mali ta ashir... politics yagi ajak dak kongshir- nü nem tashi kechi agüja lir iba ya politics dak sendaka lir," ya

Arvind Kejriwal

"Delhi nung AAP-i sorkar küteter aliba mapang power supply kecha minprong mesüi agütsüogo, tang Delhi nung ghonda 4-5 power agi timtemer...AAP indang politics ya tanga politics ka lir aser iba kübok onoki Delhi nung education mafia raksatsü. Onoki taah ajungkettsü memela. Sorkar küteter ita asem tsüngda BJP-i school fee ajungkettsüogo aser kaketshirtem school-i meyoktsü atema bouncer tem yoka liasü. Iba ya mainstream politics nung shilem ka lir," ta pai ashi.

2025 küm February ita Delhi assembly elections nung tamakok anguba sülen Arvind Kejriwal-i lokti senden aika nungbo shilem agia mali. Pa tang Punjab dak rangloker inyaksangshidar, kong AAP-i sorkar küteter lir.

O jembiba mapang Kejriwal-isa, mainstream politics yimya benshiba atema Bharatiya Janata Party (BJP) aser Congress aija liasü.

AAP tekolakbaisa, ASAP-i sensaksem balala ajanga linük kübok college tem nung kaketshirtem den sendakteptsü, ta ashi.

Iba sentong nung Delhi, Haryana aser Punjab nungi kaketshirtem aikati shilem agia liasü.

## EAM Jaishankar-i Dutch PM Schoof den ajurutep

**New Delhi, Monupii/May 20 (Agencies):** External Affairs Minister S Jaishankar-i Mongolbarnü Netherlands Ato Kilonser Dick Schoof den Hague nung ajurutepa lenla balala nung tesendaktep akangshitsü asoshi sensaksemogo.

Senden nung EAM-isa, April 22 nü kiralongrartemi Pahalgam maka alima penzür parnok 26 tashi tepsetba Netherlands-i aitsüba asoshi Schoof dang

kanga pelaba lemsatep.

Jaishankar May 19 nungi 24 tashi Netherlands, Denmark, aser Germany semdangba mapang pai Duch PM den ajurutepogo.

Schoof den pa ajurutepba ya Netherlands nung tongtibang nisungtem den ajurutepba rongnung ka lir.

Senden tembangba sülen Jaishankar-i X ajanga, "Hague nung tanü PM Dick Schoof den ajurutepogo. PM Narendra

Modi tenüng nung salem lemsatepba den kiralongrar anema Netherlands-i ajang ajanga nokdakba atema pa dang pelaba lemsatepogo. India-Netherlands tesendaktep temaba jenjangi ajungkettsü atema pai bendanga agütsür aliba atema tenüngsang agütsüogo. Item nükjidongtem tongtettsü atema ozü team-i meranga inyaktsü tenangzükba agütsüogo," ta ashi.

(Maneni tapak 8 nung...)



Bengaluru nung tzünglu kanga sashia aruba sülen tzü atsünger aliba tesem nungi nūburtem aninba noksa nung angur. Bangalore nung mimlai lia tzünglu kanga sashia aruba sülen lenmang tongtibang aika metsüing, süngtongtem tera dena lao aser tesem aika nung gari senzüsenpong nung timtem adoka liasü. Mimlai lia tzünglu aruba ajanga yimti nung alirtem merenemi lia kongshiogo aser urban infrastructure majungba aser tsüngsang mopung takzüksü makokba tali süoki ia bilemdaktsür.

## Pakistan atema itangiter ano nisung 3 puogo

**Chandigarh, Monupii/May 20 (Agencies):** Haryana police-i Hombar nü Pakistan atema itangiter mapa inyatsür pongububa puogo aser kasa mapang nung Punjab DGP Gaurav Yadav-i ashiba agi, Operation Sindoor dak sendakba nung Pakistan ISI nem miim osang agütsüba atema Gurdaspur nungi Sukhpreet Singh aser Karanbir Singh na puogo.

Tauru, Mewat, kübok Kangarka yimtsüng nung alir Mohammad Tareef aitsüba den Haryana police-isa iba ken o nung Pakistan high commission ketdangsür, Aasif Balauch aser Zaffar na aitsüogo.

Punjab DGP-i X ajanga ashiba agi, May 15 nü osang balala ajanga Sukhpreet aser Karanbir nati, sepaitem senzüsenpong aser Punjab, Himachal Pradesh, aser J&K,

nung tongtibang tesemtem densema Op Sindoor dak sendakba nung miim osang ISI den lemsatepba atema tena puogo.

Tena ket nungi mobile phones asem, .30 injang ti nguteta liasü. Parnok indang mobile phone tem Forensic examination agiba sülen osang agizükba jangjaogo, ta DGP-isa shisem.

Haryana nung okadaki tetuyuba agütsüba ya Tareef ya tang police ket nung lir. Police-i ashiba agi, parnoki pa ket nungi mobile phone ka ngutetogo. Tareef ya Nuh district nungi apurtem rongnung tanabuba lir.

Ken o nung ajia alirtem rongnung Hisar nungi YouTuber Jyoti Malhotra, Panipat nungi Nauman Elahi, Kaithal nungi Devender Dhillon aser Rajaka yimtsüng nungi Armaan nungera densema lir.

## Operation Sindoor delegation nung Abhishek adentsü



**New Delhi, Monupii/May 20 (Agencies):** Operation Sindoor dak sendakba nung India tebilemba lemsateptsü atema bendangleni aotsü aliba lenirtem rongnung Trinamool Congress (TMC) national general secretary Abhishek Banerjee adentsü, ta party-i Mongolbarnü metetdaktsü.

Kiralongrar anema nokdaktsü atema linük balala sema aotsü aliba all-party delegation atema West Bengal chief minister Mamata Banerjee-i, TMC Lok Sabha MP ya nominate süa liasü. Mongolbarnü Union parliamentary affairs minister Kiren Rijiju-i TMC nungi representative ka atema la dang phone ajanga asüngdangba sülen lai Abhishek tenüng agüja liasü, ta party ketdangsür kati ashi.

TMC MP aser taoba mapang India nunger cricket asayar Yusuf Pathan, shiba Janata Dal (United) lenir Sanjay Jha tekolak sür shimba iba delegation nung centre sorkari shima liasü, pai party tetuyuba nung atsüginginba sülen anogo ka lir Rijiju aser Mamata na phone ajanga jembia liasü. Banerjee-i ashiba agi, Centre-i party dang masüngdangi Pathan ya shima liasü.

Party lenirtemi ashiba agi,

sorkari TMC indang Lok Sabha lenir Sudip Bandopadhyay aser Rajya Sabha lenir Derek O'Brien na den tongtepratepba sülen Pathan tenüng sangdonga liasü.

Iba telok nung Abhishek züngoksemba indang sangdongba mapang TMC-i X ajanga, "kiralongrar anema alima ajunga longjemer nokdaktsüba mapang ka nung Abhishek Banerjee züngoksemba ajanga ken o jangja kümdaktsür. Pa adenba ajanga kiralongrar anema Bengal ajang ajanga nokdaba sayuba dang masü saka iba ajanga alima matsüngdang India ola tashi taitba kümdaktsür," ta ashi.

Rijiju-i Mongolbarnü tongteratepba ajanga Centre sorkari linük ken o tongtibangtem nung tongtibang political party tem dendaktsütsü atema jenjang agiba sayur.

Abhishek Banerjee, shiba external affairs dak sendakba nung parliamentary standing committee züngsem ka lir, pai Hombarnü osangbenertem dang ashiba agi, kiralongrar anema raraba mapangbo TMC pur Union sorkar den süngpu apua nokdaktsü, saka Centre-i TMC tenüng nungi shiba nokdaktsü ajibo telemtetba magitettsü.



# Tekülem kidang ken tena intetsang Jamal Roberts-i American Idol Season 23 akok



**Monupii/May 20, 2025 (Agencies):** Meridian, Mississippi nungi arishi küm 27 tain physical education tesayur Jamal Roberts ya "American Idol" Season 23 takok angur ta Deobar aonung sangdongogo, shiba ola tajung aser gospel nung tera yanga aliba yong America nunger pua.

Live finale mapang Roberts yagi takok angu, kong top three contestants - Roberts, John Foster aser tanur tetsü Breanna Nix - temi ken tena iba show indang puti otsü nung finale vote tulutiba liasü, ta host Ryan Seacrest-i ashi.

Roberts yagi pa indang original single "Heal", Idol ajanga sayaba Tom Odell track cover ka aser Jelly Roll den duet ka aten. Iba yongji pai senpet sen \$250,000 aser Hollywood Records/19 Recordings den recording contract ka ngua liasü.

Foster ya runner-up aser Khristan ken atener aser tanur ana tetsü Nix, shibai mapang shia Tsüngrem tenüng sanga liasü, la tasembuba jenjang nung tembang.

Roberts, shiba tila asüandang nungi tekülem kidang ken tena intet, pai April ita Billboard dang ashiba agi, pa ya gospel music, hymns aser soul agi meketbanger ain.

"Ni ken tentettsü ta kütsü-kübou (grandparents) nungeri ajitet, aser ni tekülem kidang ken aten tenzük aser Temptations aser Michael Jackson indang cover aten," ta pai ashi.

"Kübu tsütsü nungi kübou ka liasü, shiba bishop liasü aser kütsü tsütsü kübou ka deacon liasü, anungji kishi lapok shia ni tekülem kidang liasü."

Roberts ya "Idol" atema anaben audition asü, khen tanur asüandang, aser iba mapang pa training tali nüngdaker ta shia liasü, aser tan season nung pa tajungba nung renemshir shilang.

"Ni mokokdaksü. Ni tezü matang. Ni tajunglen nungi melenshitsüba agizük aser ni

ajungtsü asoshi amshia ano merang," ta pai ashi.

Roberts ya BET indang gospel competition show Sunday Best nunga 2020 küm toktepa top three nung tembanga liasü.

Pa taküm nung ken atenba ya shilem ka liasü. Roberts ya jala asem tebu lir, ka arishi küm 6 tain Harmoni, ka arishi küm pezü tain Lyrik aser ka hopta ana tain lir. Deobar aonung audience rongnung lar jala Jarmoni aser Lyrik liasü.

Tang Roberts jakdang music career, ajisüaka pai tesayur mapa maneni inyaksü ta ashir. "Ni sen atema tesayur inyaker masü. Tanurtem ajanga ni iba mapa inyaker, shirnoki ni ajungmesor," ta ashi.

American Idol Season 23 nung tetendangertem ya Carrie Underwood, Luke Bryan aser Lionel Richie nunger liasü, saka takok anguba yabo terepranger tem indang votes ajanga lir.

Executive producer Megan Michaels Wolflick-i Season 24 atema maparen tenzükogo aser auditions atema nisung meyrirjang aikati tenüng agütsüogo ta ashi.

Auditions tenzükdang nungi season finale tashi American Idol nung tamangba yimsü ya omen ka ama liasü.

Nix ya Denton, Texas nungi tanur tetsü aser vocal Khristan ka lir, aser iba tetoktepa tepiyong lai tamangba yimsü miimbanga mayu. La indang social media bio nunga "Yisu-i ajak lemenshitsür," ta zülua lir aser iba show nung la tashi aser lai takok anguba atema Tsüngrem nem tenüngsang agütsü.

"Ni tepela aser tenüngsang agi sünga lir. Tsüngrem dang sentsüwangshi ajak agütsür," ta Nix-i top three tongtetba sülen zülua liasü.

"Khristan ka asünung, yangji tebilemba jenti tena lir. Saka Tsüngremi agütsüba sempet amshia Pa tushitsü ni yangi lir," ta pai episode ka nung

ashi.

Iba show indang Easter special nunga Khristan ken atener CeCe Winans aser Brandon Lake nungeria shilem agi aser final nung Lake-i Nix den külemi ken ka aten.

Guest mentor Jelly Roll, shibai yimjak nung pa tamangba indang jembir, pa ya Roberts densema contestants kar atema tanüla tsütsü aser kentenba tsütsü lenmang sayur ka akum.

Easter episode mapang, Underwood-i show nung gospel aser Khristan ken tali jangjatsü asoshi langka inyaksüla, ta Bryan-i Billboard dang shia liasü.

"Lai kodanga la indang tanüla aser Khrista dak amangba nungi jenzüka maor, aser lai aji ken ajanga inyaker aser la kentenba nung ibaji shilem ka lir," ta Bryan-i shia liasü.

## Indian cardinal-i India-Pakistan tsüngta yimjung alitsü ayongzüker

**Mumbai, Monupii/May 20 (Agencies):** Tang tesüsa India aser Pakistan tsüngta rara adokba sülen India nunger tamangtir kati linük ana tsüngta teti yimjung nung alitsü asoshi tezüngzüktep tajung ka alitsü ayongzüker.

"Akhi mapang jashitepba tatem kati arutsü mapang tongogo," ta Cardinal Oswald Gracias-i Vatican's Fides news agency dang ashi.

"Kashmir nung yimjung asoshi temulung taroktiba nungi ayongzüker. India aser Pakistan atema kisüng tongtipang masü saka alima nung yimjung asoshi tezüngzüktep tejangja ka yanglutsü imlar," ta Mumbai indang archbishop nungi anisüngzüker alisangi ashi.

Anogo pezü tayang kepzüktepa makteper May 10 nü India aser Pakistan tsüngta ceasefire ka yanglua liasü.

Mangatetep aliba Kashmir region nung April 22 nü kiralongrar temi maka India

## ANOGO ABEN TSÜNGREM DEN

### Tsüngrem nenok dangi shiba yoker ?

- Mathi 17: 16-17

Temenen tanelatem aridoktsür taneptsüba sayatenya mapa inyaksü asoshi Yisui nütsüngtem nem ain agütsü (Matt. 10:8). Nübur tenzüktsü asoshi Yisui parnok nem tashi agütsü, saka parnoki pei atema dang bilem nung Tsüngrem ain samadok. Kodang tebu kati pa jabaso ka yareta shiranga aliba anebtsütsü asoshi yok parnoki kanga mejungi tamakok angu. Parnoki temaba menden atema kanga sükshia bilem (Mark 9:32-35) anungji Tsüngremi parnok ajanga kechi inyakdaksütsü iba nükrangji metongtet.

Yisui Pa nütsüngtem dang o teküprak agi langzü. Pai parnok dang mamanger aser tekirak ta aja, aser parnok den kopiga aremzüktsü! Kechiba? Kechiaser tangar nem tekümtet agütsüba mapa nung Pa den inyaksüba liasü, saka parnoki pa den angatettepa mali nung parnok dak tanüla ain makai aküm, shirnok dangi Tsüngremi parnok yok parnok nem temang aser tanela nung tesünep magütsütet.

Yirua alirtem dangi Tsüngremi yoker aser parnok yaritsü Tsüngremi asenok nungi imlar. Nütsüngtem amaji asenoki asen tejangraba nung kanga temulung agütsüba ajanga Tsüngremi asenok shirnok dangi yok parnok nüngdak nung asenoki meyaritetter. Yimsü mapa nung asenoki kanga shilem agir saka asenoki shinga dang meyaritettsü akok. Tsüngremi shirnok dangi na yok parnok dang tamang kokteta ali asü masü anogo shia maneni ne taküm bushia reprangshitsü nüngdak.

nunger tourists timba sür asoshi yimjung yanglutsü civilian 26 tepsetba ajanga imlaba lemsatepa liasü.

rara ya tenzük.

Islamabad-i kiralongrar tem jenokdaksür aser parnoki lenmang sayua makdaksür, ta New Delhi-i tenüng asener, koba Pakistan-i magizüker.

Nuclear nok-nü bena aliba linük ana tsüngta raraba nung nisung 70 shi asü.

1947 küm British nungeri India aser Pakistan sadangtsüba sülen Hindu maharaja aser India sorkar tsüngta tezüngzüktep ka agia Muslim nunger timba aliba Kashmir ya India nung shilem ka akum.

India aser Pakistan nati iba territory nung kibur akumtsü meranger aser iba region mechi rara ana tashi raraago. Ibai tangbo Indian-administered aser Pakistani-administered territories ta Line of Control ajanga sadanger lir.

Pope Leo XIV-ia May 11 nü ceasefire ya pelashishia agizük aser tekeraba nung teti

asoshi yimjung yanglutsü imlaba lemsatepa liasü.

Cardinal Gracias-ia kasaji ayongzüka yimjung asoshi mapang tongogo ta ashi.

Pakistan aser India senmangren kasa lir ta pai ashi. "Asenok adianu lir - sobaliba, yimsü-yimbong, tebilemba kasa. Nüchiso anguba sülen timtem adokdaksüba Kashmir region asoshi tejak o tejak jitepa mener kanga junga jembishinütsü nüngdaker."

Pai nuclear nok-nü bena aliba linük ana mapang talangka raraba ajanga alima nung takoksa tulu agütsütsü, ta ashi.

Gracias-i international community dang tetsüngtai ia yimten tsütsü tesendaktep asoshi tekeraba nung jembishinütsü ayongzüka liasü.

"Tanü religious nationalism yutsür asangsang nung yimjung ajungkettsü lenirtem mapa lir. Ibaji ozü teimla," ta pai ashi.







# Israel-i Gaza nung nisung 50 tepset

**Cairo, Monupii/May 20 (Agencies):** Israel-i Mongolbarnü anüng ajanga Gaza amakba sülen nisung 50 tepsetogo, ta local health ketdangsürtemi metetdaksü. Gaza nung military inyakyim anena tenokdangba kecha magütsüi teyari yokdaksütsü atema alima kintemi tali nongshiaka Israel-i maneni iba tesem makdar.

Israel nunger sepaitemi ki ana amak kong nisung 18 asüba rongnung tanur aser tetsürtem densema liasü aser pei ki toktsür jenshia or alirtem jenoka aliba school ka makogo, ya Gaza medics temi metetdaksü.

Israel military shirnoki Hombarnü Gaza south nung amenoka aliba Khan Younis yimti nung alirtem dang tzüküm leni jena aotsü metetdaksüogo, parnoki Mongolbarnü tesem balala amakba indang kecha telangzüba magütsü.

Mongolbarnü Israel nunger sepaitemi Khan Younis nung tesem balala amakba den Deir al-Balah, Nuseirat, Jabalia, aser Gaza City nungera makogo, ta medics temi ashi.

Israel-i asendenshir Gaza nung tesem balala amakba sülen anogo ti tsüngda nisung 500 dak tema tepsetogo, ta parnokisa metetdaksü.

Ita ana dak tema chiyongtsü aser tanga tenüngdakba osettem kecha meyoki nokdanga ayuba sülen Israel military-i Hombarnü ashiba agi, parnoki Gaza-i teyari bener truck pongu yoktsü.

UN-i, Gaza kong nütsüngyongsük million 2.3 shi lir iba tesemi anogoshia teyari aser commercial khu bener truck 500 yoktsü nüngdaker ta shiogo. Rara tepeyong teyari bena aliba truck tem Gaza-i aitsü atema arrtsü nung hopta aser ita junga ataba sülenang itata arudar.

Rara tenzüker ita 20 jungogo aser tanga Israel ya tanga linüktem den tesendaktep mejungi kümдар aser United States den tesendaktep dena anakshidar.

Britain, France aser Canada nunger lenirtemi Hombarnü, Israel-i Gaza nung military inyakyim manenra aser tenokdangba agütsür aliba maginra parnoki jenjang tapet agütsü ta shiogo.

Tanga sangdong ka ajanga European Union aser tanga linük 20 den linük asem yagi, Gaza nung alirtem yatzüra agi menepogo aser U.N. aser tanga teyari agütsüba teloktem parnok mapa inyaksü atema temelaba agütsütsüla ta shiogo.

Lenirtemi Israel aitsüba dak sendakba nung telangzüba agütsüba mapang Israel Ato Kilonser Benjamin Netanyahu-i ashiba agi, parnok tang barbarism anema civilization rara ka nung densema lir. Paisa, takok mangu tashi raratsü ta shiogo.

# Nuclear sensaksem nung US takhangba Khamenei-i aitsü

**Dubai, Monupii/May 20 (Agencies):** Iran lenir Ayatollah Ali Khamenei-i ashiba agi, uranium enrich asüba nungi Iran pila alitsü atema US-i takhangba agütsüba ya tera tali lir, ta state media sangdong ka ajanga metetdaksüba den nuclear atema sensaksem ya takok angutsü mangutsü mejangja ta shiogo.

"US den nuclear atema sensaksem ya kecha takok mangutsü ama bilemer. Kechi atalokjar ni memetet," ta Khamenei-i ashiba den, Washington-i sensaksem mapang agizüktsü makoktsüsa takhangba tera talibo masütsüla, ta shisem.

Hopta tatemi Rome nung nuclear sensaksem pongububa agütsü imlar, saka iba sensaksem ya kodangang chirepjar mejangja, kechiyong Iran aser US na nuclear enrichment dak sendakba nung hai haura mekateti arudar.

Deputy Foreign Minister Majid Takht-Ravanchi-i Hombarnü ashiba agi, Washington-i uranium domestic enrichment nungi Tehran pila alitsü asoshi maneni nongshira sensaksem takok mongutettsü, koba US-i ashiba agi nuclear bombs yanglutsü atema lenmang ka lir.

Tehran-i ashiba agi, parnok indang nuclear energy programme ya yimjung atema dang lir.

Mongolbarnü Iran Deputy Foreign Minister, Kazem Gharibabadi-i ashiba agi, United States-i benokba onüktemi Theran-i agizükogo aser asadangogo. Taoba hopta U.S tir Donald Trump-i ashiba agi, Tehran-i kara kara jenjang agütsüla, ajita mesüra langka tamajung ka ataloktsü.

U.S tiri, nuclear programme dak sendakba nung tangatettep ka dangi marura parnoki Iran nung bomb pokloksütsü aser tenokdangba tesashi agütsütsü ta amokmerena arudar.

2017-21 küm tashi mezüngbuba term abenba mapang tir Trump-i, Iran aser alima linüktem tsüngda 2015 küm tenangzüktepba yangluba nungi atsüingina liasü.

Trump shibai 2015 küm tenangzüktepba yangluba yagi telok ka dang ajanzüker ta shia liasü aser paisa Iran nem tenokdangba tesashi agütsü. Iba atema telangzüba agüja Iran-ia Uranium enrichment maparen tali benoka inyaka liasü.

# Russia aser Ukraine ceasefire jembishinü tang tenzüksü: Trump

**Washington, Monupii/May 20 (Agencies):** US Tir Donald Trump-i Russia Tir Vladimir Putin den phone ajanga ghonda ana jembiba sülen Russia aser Ukraine na ceasefire aser rara tembangtsü atema jembishinü tang tenzüksü ta ashi.

Trump-i Putin den junga sensaksemogo ta ashi aser yimjung asoshi 'conditions' ya party ana tsüngta jembitsüsa akumtsü ta ashi.

Ukraine Tir Volodymyr Zelenskyy den-a Trump-i jembi aser pai teimla sayuaka ceasefire mesüra yimjung tezüngzüktep kanga anasabo majiteter.

Putin-i tarutsü nung yimjung tezüngzüktep alitsü asoshi memorandum ka atema Ukraine den inyaksü renema lir ta ashi, aser Zelenskyy-i tangya mapang tajung lir ta ashi aser US dang jembishinü nungi pila maotsü ajungshi.

US aser European linüktemi condition makai anogo 30 ceasefire alitsü akhangba indang Russia tiri mesüok.

Trump den phone ajanga jembiba sülen Ukraine-i condition kecha makai ceasefire alitsü jangraba Zelenskyy-i nenshia ashi aser Moscow renema melira sanctions tashi taitba alitsüla ta ashi.

Trump-i Putin den sensaksem masüdag Zelenskyy-i Ukraine atema telemtetba ya par linük medeni meyanglutsü shiogo aser ibai Ukraine asoshi "matters of Principles" lir ta ashi.

Pai "memorandum" indang tejangja kecha mali ta ashi saka Russia nungi anguba sülen par nükla yamaji yanglutsü ta ashi.

Phone ajanga linük ana lenirtem den jembiba sülen Trump-i pa indang Truth Social nung, "Russia aser Ukraine na ceasefire aser tongtipangsang rara tembangtsü atema jembishinü tang tenzüksü," ta zülutsü aser iba indang pai tanaben Zelenskyy den jembidang metetdaksüogo aser yangji alima lenirtem dena lir ta ashi.

Zelenskyy-i jembishinüba nung tapet jenjang nung American aser European representatives adentsüla ta ashi.

Mapang tatsüka lir White house nung sentong ka nung jembidang, Russia aser Ukraine tetsüngtai ia jembishinüba nung US mainshitsü saka linük anaprong ajungshiba anentsü asoshi tebilemba ka lir, ta Trump-i ashi.

Jembishinüba nungi US mainshir ta pai ashi.

(Maneni tapak 8 nung...)

## MULUNGNEN O

ASO :  
10-12-1964




ASÜ :  
14-05-2025

Tsürabur Longmisatsür **Late. SENKAJUNGLA PONGEN** (Tzúsapang Sector, Mokokchung), Monupii 6, 2025 nü nungi shiranga mozükidang aliba mapang nungi la asüba anogo tashi, Kiyonger, Kija, Kibong, ABAM nung tenzükertem, Aoli Arogotem nungi tenzükertem, Yimeryimsangertem aser Lokti balala nungi shirnokisa sarasadem den shisatsü, nübu aser rongsen jenti ajanga tsüngtong arua yaritepogo, ajak den Tsüngrem tenüng nung pelaba lemsateper. Nenok tejungnüba shisatsü aser mulung tajung Tsüngremi ngujema nenok den taliba jungangni ta aji ozü sarasadem.

*Temeim Kinungbu, Chirnurtem, Semchirtem & Kinungertem*

## MULUNGNEN O

"Onoki na mangur mesüra mokongshiteter, saka onok mulungjang nung na teti alitsü."



**Asür Temjenmongba Longchar**  
7.12.1978 - 10.05.2025

Onoki teti meima aliba Asür Temjenmongba Longchar akumli wadang tembanga iba lima nungi pilaba mapang ozü dang temeim sayurtem dang pelaba lemsateper.

Pa asüba onoki mang ayimdag, tembar, kidanger, kinunger aser ana aser talang nungi temulunger temi lenmang balala nung yariba asoshi ozüng mulung nung kongshiogo aser kanga pelar.

Nenok kija shia dang ozü tepela melemsateptetaka Tulusang Tsüngremi nenok mulamushia moajang ta sarasademtsür.

Onoki item lokti aser kija dang alakteta pelaba lemsateper:

- Kohima Ao Baptist Arogo (KABA).
- Dimapur Ao Baptist Arogo (DABA).
- Dimapur Area Chuchuyimlang Senso Telongjem.
- Rionsanger AR Teyong Sungpu Zunga, Chuchuyimlang.
- Shri. Temjen Imna Along & Class Apart (1986 - 1995) Batch Don Bosco Higher Secondary School Dimapur.
- EE and staff of PWD National Highway Division-1 Kohima.

~ Temeim kinungtsü, jabasotem, jala, Ama, BaBa, adianu aser kinungertem.

## TENÜNGSANG AGÜTSÜR

Mayanger Semchir Sayir Kin (Ungma), ajanga Wb. T. Nukshi Longkumer aser Wt. T. Amongla Jamir na jala, **AR. Toshinenla T Longkumer** ajanga NPSC tetoktepba 2025 nung Demonstrator (Architecture) in Higher and Technical Education ngutetba asoshi asen kin ajanga khonang tetushi agütsür.



Tsüngremi ne taküm aser nübur tenzükba wadang nung maneni moajangma.

Sdl/-  
Repanungba Lkr  
Chairman

Sdl/-  
Takatemsu Lkr  
Secretary



## Sam Cook tang mezüngbuba England team nungi asayatsü

**Monupii/May 20, 2025 (Agencies):** Essex bowler Sam Cook tang mezüngbuba iba hopta Zimbabwe den Test asayatsü aliba nung England team nungi asayatsü, ta coach Brendon McCullum-i metetdaksüogo.

Arishi küm 27 tain asayar shiba tawa county cricket nung kanga junga asayaogo, pa Gus Atkinson, Josh Tongue aser spinner Shoaib Bashir nunger den külemi asayatsü. Parnok ajak ya international jenjang nungbo tajangshiba aikabo maliba bowler tem lir.

Durham bowler Matthew Potts aser Somerset batter James Rew na züngsem 13 agi kümteba team nung züngoksema mali.

Imla aliba ama Zak Crawley opener asayatsü anisemogo aser Ollie Pope number three

nung asayatsü aser kasa mapang nung Jamie Smith paternity leave agiba sülen wicketkeeper ama meyipa aruogo.

Iba asaya ya four-day Test ka lir aser Zimbabwe atema 2003 küm sülen tang mezüngbuba England nung asayatsü lir. Asaya ya Trent Bridge nung Brehostibarnü tenzüksü.

England team: Crawley, Duckett, Pope, Root, Brook, Stokes (capt), Smith (wk), Atkinson, Tongue, Cook, Bashir.

England-i tawa ball kara aoner mesüra ball balala onteteremang shima arudar, saka Cook ya traditional, aser sempet tajung aketba seam bowler ka lir. Pai County Championship nung kanga junga asayaba sülen team nung züngokseмого.

Cook-i County Championship nung wicket 227 agiba ya taoba küm pongu tsüngda seamer kati wicket timtiba agiba asütsü. Pai first-class cricket asaya nung ajak senteper wicket 321 agia lir.

Ajisüaka Cook, Tongue aser Atkinson nunger senteper international jenjang nung England team nungi Test 13 dang asayar lir, koba küm 22 tsüngda England team nung ajak dang tajangshiba tajemtiba bena aliba pace attack asütsü.

Taoba küm 18 tsüngda tang agi kidang Test tanabuba ang Chris Woakes, James Anderson mesüra Stuart Broad medeni asayatsü lir. Anderson aser Broad nabo asaya nungi anenogo.

Woakes aser Mark Wood na yirur aliba ajanga masayatettsüsa kümogo.

## Hockey India-i Sorkar tetuyuba sülen anidaktsü

**Monupii/May 20, 2025 (Agencies):** Indian hockey federation nungi ketdangsür kati Mongolbarnü ashiba agi, Asia Cup nung Pakistan-i shilem agitsüba dak sendakba nung HI-i sorkar tetuyuba sülen anidkatsü. Iba asayamung ya India nung taküm küm tatemlen ayongzüka asayatsü lir. Linük ana tsüngda mangatetep adoker aliba mapang iba ken o temai adokogo.

Kiralongrartemi Pahalgam maka nisung 26 tashi tepsetba sülen linük ana tsüngda arrtsü aden khatepba sülen ceasefire benoktsü atema mulungtepogo aser iba ajanga IPL-a minpronga liasü.

Taruba asayamung nung Pakistan-i shilem agitsü magitsü

ta asüngdangba mapang Hockey India's (HI) secretary general Bhola Nath Singh-i ashiba agi, "sorkari kechi telemteba agidir iba sülen onok anidaktsü. Tang tashi nung onoki sorkar den sensaksema mali.

"Linük tama asütsü. Asia Cup India nung asayatsü aser sorkari kechi tetuyuba agütsüdir iba sülen onok anidaktsü," ta pai ashi.

Asia Cup ya Rajgir, Bihar nung August 27 nungi September 7 tashi asayatsü renema lir.

Anogo ana tejakdang Pakistan Hockey Federation (PHF) nungi ketdangsür kati iba asaya continental body dang parnok Asia Cup nung asayatsü

atema visa anepalutsütsü asüngdanga liasü. Iba asayamung ya taruba küm Netherlands aser Belgium na nung asayatsü aliba men's FIH World Cup atema qualifying asayamung ka lir.

Bholanath-isa, "ni AHF (Asian Hockey Federation) vice-president aser Hockey India secretary general lir saka ni mezüngbuba India nunger lir. Linük aser sorkari kechi telemteba agidir iba sülen Hockey India anidaktsü. Mapa balala saka linük meraket tama arur," ta shisem.

Linük ana tsüngda tensa mejungi aliba ajanga Asia Cup nung Pakistan team-i shilem agitetsü magitetsü mejangjai kümogo.

## RCB-i Lungi Ngidi melena Muzarabani shimogo



Blessing Muzarabani

**Monupii/May 20, 2025 (Agencies):** Royal Challengers Bengaluru (RCB)-i Lungisani Ngidi melena Blessing Muzarabani shimogo, kechiyong Ngidi ya linük team nungi asayatsü atema aotsü lir.

Blessing Muzarabani ya May 26 nü nungi tenzüka asayatetsü, ta Indian Premier League-i Hombarnü sangdong ka ajanga metetdaksü.

IPL-isa, "Zimbabwe nungi pacer Muzarabani-i tang tashi nung T20I 70 asayar lir aser iba mapang wicket 78 agiogo. Iba den bendenloksema pa Zimbabwe tenüng nungi Test 12 aser ODI 55 nung asayaogo. Pa

Lakh 75 yong RCB nung adentsü.

Ngidi aser Australia nunager asayar Josh Hazlewood na masayatetsüsa akümba sülen RCB pur pace bowler ka kanga nüngdaka lir. Hazlewood ya taküm RCB nung wicket timtiba agiba asayar lir, saka pa tapu yiruba ajanga masayatetsüsa kümogo.

Asayar tasen anisemba indang jembiba mapang Royal Challengers Bengaluru-i ashiba agi, "süklep 6 ser inch 8 talang arishi küm 28 tain Zimbabwe nunger fast bowler Blessing Muzarabani, Lungi Ngidi melena shimogo, shiba South Africa-i 26 nü aotsü. Lungi ya kidang taruba asaya nungbo asayatetsü."

Royal Challengers Bengaluru pur Hokolbarnü Chinnaswamy Stadium nung Sunrisers Hyderabad den asayatsü lir.

Muzarabani ya England den May 22 nungi 25 tashi Trent Bridge nung Test asaya ka

asayatsü aliba Zimbabwe team nung densema lir. Iba asaya tembangba sülen pa India-i arua RCB nung adentsü. Temetetsü kaji Zimbabwe pur June 3 (IPL final asayatsüba anogo) nü South Africa den asayatsü lir. Iba asaya ya South Africa atema WTC final masaya tsüngda warm-up asaya ka ama asütsü.

Muzarabani-i Afghanistan den asayaba mapang wicket trok agiba indang clip ka RCB-i lemsatepa liasü.

"Pa aso talang, pai timtem agütsütsü aser pai ball kanga junga bounce süa onteter. Iba ya pai timtem agütsüba tera sayurba dang lir," ta RCB-i X nung lemsatep.

RCB pur IPL 2025 playoffs atema qualify süogo. Parnoki asaya 12 nung point 17 ngua qualify süogo. Parnok league nung ano asaya ana asayatsü anunga lir. RCB puri tang tashi nung IPL khen danga koka mali aser taküm iba asayamung akoktsü merangdar.

## IPL 2025 playoffs mapanglem sangdongogo

**Monupii/May 20, 2025 (Agencies):** Board of Control for Cricket in India (BCCI)-i, ajaki kanga yonga aliba Indian Premier League (IPL) 2025 season playoffs atema mapanglem aser asayaba tesem sangdongogo. Final ya June 3 nü Ahmedabad nung Narendra Modi Stadium nung asayatsü.

Media sangdong ka ajanga BCCI honorary secretary Devajit Saikia-i, playoff stage ya New Chandigarh kübok New PCA Stadium nung Brehostibarnü, May 29 league phase nung temaba jenjang nung tembangba team ana Qualifier 1 asaya-a tenzüksü. Iba sülen kasa tesem nung May 30, Hokolbarnü tasembuba aser pezübuba nung tembangba team ana Eliminator asayatsü.

Iba sülen asayamung ya Ahmedabad-i belener aotsü, kong Qualifier 1 nung tamakok anguba team aser Eliminator

akokba team na Qualifier 2 June 1, Deobarnü asayatsü aser Final ya June 3, Mongolbarnü Narendra Modi Stadium nungsa asayatsü.

"League-stage nung asaya 70 kanga toktepba asayaba sülen asayamung Playoffs asayatsü lir. Asayamung ya ano Ahmedabad nung oa alima nung cricket stadium tulutiba nung jangra tatemala akümtsü, kong IPL 2025 final asayatsü renemdar," ta Saikia-i ashi.

Mezüngbo playoffs ya Hyderabad aser Kolkata na nung asayatsü renemer liasü, saka asayamung tom nung asaya hopta ka masayai anena ataba mapang playoffs asayatsü atema tesemtem melenshiogo. IPL Governing Council-i tsüingsang mopung aser tanga logistical parameters tem apir playoff asayatsüba tesem melenshiogo, ta metetdaksü.

### INDIA OSANG : Tapak 3 nungi...

#### EAM Jaishankar-i Dutch PM Schoof den...

PM Schoof-ia X ajanga, "India indang Minister of External Affairs, S Jaishankar Catshuis-i pelashishi agizükogo. Mezüngbuba ni, taoba ita Pahalgam maker aliba mapang India-i kiralongrar anema nokdakba nia pusemba metetdaksüogo. India aser Pakistan na tsüngda mangatetep tamajungba küma maoba ya ajak atema tajung lir," ta ashi.

"Onoki Strategic Partnership indang sensaksemogo, kong shishilembaba, innovative technology, aluyimba aser security dak sendakba nung Netherlands aser India na mapang talang ka asoshi tesendaktep densema lir. Melenshia aoba lima ka nung Netherlands aser India na kati

ka dak metaloker litettsüji kanga tongtibang lir," ta paisa zülutsü.

Kasa mapang nung Jaishankar-i Hague nung India nungertem den ajurutepa linük ana tsüngda tesendaktep akangshiba nung teyari agütsüba atema tenüngsang agüja laisü. Paisa, Defence Minister Ruben Brekelmans den ajurutepa security dak sendakba nung anok tebilemtsü aser bilateral defence partnership ka asoshi sensaksema liasü.

Maneni pai Dutch Foreign Minister Caspar Veldkamp den Hombarnü sensaksemogo, kong bilateral cooperation atsülangshitsü aser European Union den tali sendaktepa inyaksüba dak rangloker sensaksema liasü.

### BENDANGLI OSANG : Tapak 7 nungi...

#### Russia aser Ukraine ceasefire jembishinü...

Putin-i Trump den Sochi yimti nung music school ka nungi jembiba aser tena tsüngta temulung rakpoka, shisatsü ngua aser tajunglen nungi jembiba aser iba mapang ceasefire ka alitsü atema jembiba ta ashi.

"Tarutsü nung yimjung tezüngzüktep ka atema memorandum ka asoshi Ukraine den inyaksü Russia renema lir ta US tir dang shiogo aser mulungtepogo," ta pai ashi.

Ibaji ajanga tangatetep tamendak dak aser yimjung tezüngzüktep yanglutsü asoshi

mapang, mapang telatet ka atema ceasefire alitsü densema taginüba tejangja sayutsü ta pai ashi.

Trump-i Putin den jembiba sülen Zelenskyy tena tanaben jembiba aser iba mapang European Commission Tir Ursula von der Leyen, France, Italy, Germany aser Finland lenirtem dena liasü.

"Ukraine dangi ceasefire bener arutsü asoshi Tir Trump-i anibelem mesasai merangba atema pelaba lemsateper. US adentsü tongtipang lir," ta von der Leyen-i ashi.

### BILEMDANGANG

**"Tesüiba kanga majung süaka tenzükshitsü maongka peria lir."**